



BOSNIA AND HERZEGOVINA
Ministry of Communication and Transport
Directorate of Civil Aviation

Broj: 1-2-50-765-2/21
Banja Luka, 15. 12. 2021. godine

Na osnovu Zakona o slobodi pristupa informacijama u Bosni i Hercegovini („Službeni glasnik BiH“, broj: 28/00, 45/06, 102/09, 62/11 i 100/13), postupajući po zahtjevu _____, trgovinskog savjetnika u Ambasadi Austrije u Bosni i Hercegovini, Direkcija za civilno vazduhoplovstvo Bosne i Hercegovine donosi:

RJEŠENJE
o pristupu informacijama

kojim se u cjelosti **ODOBRAVA** pristup informacijama pod kontrolom BHDCA dostavljanjem informacija

Obrazloženje

Dana 9. 12. 2021. godine Direkcija za civilno vazduhoplovstvo BiH (u daljem tekstu BHDCA), zaprimila je, putem e-maila zahtjev na osnovu Zakona o slobodi pristupa informacijama u BiH, u kojem podnosilac _____, trgovinski savjetnik u Ambasadi Austrije u Bosni i Hercegovini, zahtijeva sljedeće informacije:

„Uredu Trgovinskog savjetnika Ambasade Austrije obratila se austrijska kompanija koja se bavi proizvodnjom opreme za obuku pilotskog osoblja. S tim u vezi zamolili bismo Vas za dostavu podataka kako slijedi:

- Ukupan broj licenciranih pilota u Bosni i Hercegovini razvrstano po tpiu licence koju posjeduju;
- Da li Bosna i Hercegovina raspolaže Aeromedical centrom, te kojim simulatorima, ukoliko iste posjeduju, se služe?;
- Informacije o avionskim nesrećama na prostoru Bosne i Hercegovine u proteklom periodu;
- Da li u Bosni i Hercegovini postoje simpoziji ili slični događaji koji se bave avijacijom i letačkom medicinom;
- Gdje u načelu civilni piloti iz Bosne i Hercegovine vrše treninge i obuku?“

Postupajući po navedenom zahtjevu, a na osnovu člana 11. stav (4) i člana 14. Zakona o slobodi pristupa informacijama u BiH, BHDCA je u cjelosti odobrila pristup informacijama kako je navedeno u dispozitivu Rješenja i podnosiocu zahtjeva dostavlja informacije kako je traženo.

- Broj dozvola civilnih pilota izdatih od strane Direkcije za civilno vazduhoplovstvo BiH razvrstano prema tipu dozvole:

Dozvola saobraćajnog pilota aviona ATPL(A) - 14
Dozvola profesionalnog pilota aviona CPL(A) - 7
Dozvola privatnog pilota aviona PPL(A) - 37
Dozvola profesionalnog pilota helikoptera CPL(H) - 18

Dozvola pilota jedrilice SPL - 47
Dozvola pilota mikrolakog vazduhoplova MLV - 17
Potvrda o obučenosti pilota paraglajdera LSL - 8
Potvrda o obučenosti pilota zmaja sa motorom PHG – 12

- U Bosni i Hercegovini, Direkcija za civilno vazduhoplovstvo BiH odobrila je jedan vazduhoplovno-medicinski centar bez simulatora.
- U periodu od 2015. do 2020. godine na području Bosne i Hercegovine desio se šest vazduhoplovnih nesreća.
- BHDCA sprovodi treninge osvježavanja znanja iz regulatornih zahtjeva medicinskog i drugog vazduhoplovnog osoblja.
- Trening i obuku za dozvole za komercijalne pilote kandidati iz BiH sprovode u zemljama u okruženju i EU, dok za nekomercijalne pilote obuku i trening mogu sprovesti i u odobrenim organizacijama za obuku u Bosni i Hercegovini.

Podnosiocu zahtjeva rješenje o pristupu informacijama dostavlja se na e-mail:
1. Rješenje o pristupu informacijama podnosiocu zahtjeva dostaviće Aleksandar Lalović, službenik za informisanje BHDCA sa službene e-mail adrese aleksandar.lalovic@bhdca.gov.ba.

U skladu sa članom 16. Zakona o slobodi pristupa informacijama u BiH, podnosilac zahtjeva oslobođen je plaćanja taksi i naknada na ovo rješenje.

Uputstvo o pravnom lijeku: Protiv ovog rješenja može se, u roku od 15 dana od dana prijema Rješenja, podnijeti žalba Žalbenom savjetu pri Savjetu ministara BiH kao drugostepenom organu i prigovor Ombudsmenu za ljudska prava BiH.

Dostavljeno:

-

- a/a.

